

## **CYNGOR CYMUNED MANORDEILO A SALEM**

### **CYFARFOD 11eg TACHWEDD 2015**

Cynhaliwyd cyfarfod o Gyngor Cymuned Manordeilo a Salem am 7.30pm ar yr 11eg Tachwedd 2015 yn yr Ystafell Ddarllen, Cwmifor.

#### **PRESENNOL**

Cynghorwyr Alun Davies, Arwel Davies, Joseph Davies, Gwenfil Evans, Peter Harries, Doris Jones, Dorian Jenkins, Andrew Thomas ac Owen Williams.

#### **1. CROESO AC YMDDIHEURIADAU**

Cymerwyd y Gadair gan y Cyng. P. Harries a chroesawodd bawb i'r cyfarfod. Derbyniwyd ymddiheuriadau gan y Cynghorwyr Jill Davies, Hubert Gwynne a William Loynton.

#### **2. CADARNHAU COFNODION Y CYFARFOD DIWETHAF**

Cynigiwyd gan y Cyng. O. Williams, eiliwyd gan y Cyng. G. Evans gyda phawb yn gytûn, bod cofnodion y cyfarfod diwethaf a gynhaliwyd ar y 14eg Hydref 2015, fel y maent wedi'u teipio a'u dosbarthu, yn gywir.

Arwyddwyd gan y Cadeirydd

#### **3. DATGANIADAU O DDIDDORDEB**

Doedd yna ddim datganiadau o ddiddordeb.

#### **5. MATERION YN CODI**

5.4.5vii) Dim pellach gan Gyngor Sir Caerfyrddin (C.S.C) mewn perthynas â'r mater sydd ar waith o ddiffyg lle pan fydd cerbydau'n parcio dwy ochr y ffordd y tu allan i Ystafell Ddarllen Manordeilo.

5. 4.13ii) Mewn perthynas â'r mater o'r to yn pwyso dros y ffordd yn 'The Barn', Glanyrafon, dywedodd y Cynghorydd Sir J. Davies nad yw bellach yn fater sy'n ymwneud â gorfodaeth cynllunio, fodd bynnag mae'n bosib y gallai'r Adran Briffyrdd ymchwilio i'r mater.

5.11i) Derbyniwyd ymateb gan Asiantaeth Cefnffyrdd De Cymru (S.W.T.R.A.) mewn perthynas â phryderon sydd gan y Cyngor am y perygl o amgylch cylchfan Ffordd Osgoi Llandeilo ac nad yw'n hawdd iawn gweld wrth ddod o gyfeiriad y dwyrain, fel a ganlyn::

*'Mae'r planhigion a roddir ar y gylchfan yn cael effaith bositif ar y modd y mae gyrwyr yn ymddwyn oherwydd mae hyn yn annog traffig i arafu ac i gadw at gyflymdra diogel wrth ddynesu at y gylchfan.*

*Rydym wedi asesu lefelau presennol y tyfiant sydd ar y gylchfan a byddwn yn tynnu ychydig o'r planhigion oddi yno'r Hydref hwn er mwyn sicrhau bod pobl yn medru gweld yn dda o amgylch ac wrth ddynesu at y gylchfan. Nid oes unrhyw gynlluniau i waredu unrhyw blanhigion mwy o faint o'r gylchfan.'*

6iv) Rhoddodd y Clerc rhagor o wybodaeth am Gynllun Datblygu Gwledig C.S.C. 2014-20, Cyfleoedd am Nawdd; nodwyd hyn.

6vi) Nid oedd y Grŵp Prosiect Iechyd Meddwl newydd yn medru anfon cynrychiolydd i gyfarfod y Cyngor ond fe wnaethant roi gwybodaeth ychwanegol, gan ychwanegu'r Cyngor i'w rhestr bostio ac y byddant cyn bo hir yn anfon gwahoddiad i'w digwyddiad ymgynghori.

6xi) Mae gwybodaeth am Gynllun 'Noson Allan' Cyngor Celfyddydau Cymru wedi'i hanfon at Bwyllgorau Neuadd Salem a Manordeilo.

6xii) Penderfynwyd nad oedd prosiect addas ar gael i wneud cais am 'Nawdd Tyfu'n Wylt i Gynorthwyo Cymunedau i Flodeuo'.

6xiii) Gofynnodd y Clerc i Gynghorwyr ddod â manylion am grwpiau cymunedol i'r cyfarfod nesaf er mwyn gwneud cais ar y cyd i Tyfu'n Wylt Cymru am becynnau hadau rhad ac am ddim. Pawb

10. Diolchwyd i'r Cyng. D. Jenkins am ei waith yn tocio a glanhau'r ardal o amgylch Cofeb Ryfel Taliaris.

12i) Mewn perthynas â gwefan y Cyngor, mae rhai o'r syniadau a gytunwyd iddynt yn y cyfarfod diwethaf wedi'u gweithredu ac mae'r gwaith ar fynd. Cytunwyd oherwydd swmp y gwaith cyfieithu ar gyfer y wefan Gymraeg y dylid cyflogi gwasanaeth cyfieithydd. Y raddfa arferol yw £40 y fil o eiriau a chytunwyd y dylai'r Cyng. P. Harries wneud ymholiadau pellach ynglŷn â hyn, a dod o hyd i wasanaeth cyfieithydd.

Cyng. P.Harries/Clerc

12iii) Mewn perthynas â'r gwelliannau sydd wedi'u gwneud yn ddiweddar i Hen Safle'r Tanerdy yn Rhosmaen, mae Adran Gynllunio C.S.C. wedi cadarnhau bod y rhybudd o orfodaeth cynllunio bellach wedi'i gyflawni.

Ymunodd Roger Anthony Swyddog Cymorth Cymunedol yr Heddlu â'r cyfarfod ac adroddodd bod lefelau troseddu yn parhau i fod yn isel iawn. Ni chodwyd unrhyw fater.

## 5. GOHEBIAETH

- i) Cyfriflen Banc Lloyds dyddiedig 30/10/2015, Taflen Rhif 74, Gweddill £10,064.39 Nodwyd
- ii) Cyfriflen Banc HSBC dyddiedig 15/10/2015, Taflen Rhif 303, Gweddill £621.49 Nodwyd
- iii) Ymgynghoriad C.S.C. ar gynnig Gorchymyn Amddiffyn Mannau Cyhoeddus Sir Gaerfyrddin. Mae'r gorchymyn yn ymdrin â chŵn yn baeddu, cŵn ar dennyn o dan reolaeth a gwahardd cŵn. Roedd y Cynghorwyr o blaid y cynigion a chwblhawyd yr holiadur yn unol â hynny, Clerc i'w gyflwyno i C.S.C. Clerc
- iv) Fforwm Blyneddol Strategaeth Gymunedol Integredig C.S.C. i'w gynnal ar y 1af Rhagfyr. Clerc i anfon manylion ymlaen at y Cyng. O. Williams sy'n gobeithio mynychu'r digwyddiad. Clerc
- v) Y Diweddaraf gan Lywodraeth Cymru i Gynghorau Tref a Chymuned. Nodwyd
- vi) C.S.C. Gwybodaeth i Deuluoedd, Gofal Plant a Chwarae, Asesiad a oes digon o gyfleoedd chwarae i blant. Cwblhawyd Arolwg Chwarae i Gynghorau Cymuned/Tref gan y Cynghorwyr. Clerc i'w gyflwyno i C.S.C. Clerc
- vii) Bwrdd Iechyd Prifysgol Hywel Dda, manylion am ddigwyddiadau ymgynghori sydd i ddod. Hysbysfyrddau
- viii) Un Llais Cymru, gwybodaeth ynglŷn ag hyfforddiant, cyfarfod pwyllgor ardal, holiadur adborth, apwyntiadau ac ymgynghoriadau. Nodwyd
- ix) 'Ramblers' Cymru mewn perthynas â diogelu a gwella llwybrau. Nodwyd
- x) Nyrsys Marie Curie yn Sir Gaerfyrddin, cais am gymorth ariannol. Chwef
- xi) Ambiwlsans Awyr Cymru, Apêl Maes Awyr, cais am gymorth ariannol. Chwef

## 6. GOLEUADAU

Dim i'w drafod.

## 7. LLWYBRAU TROED

- i) Adroddodd y Cynghorwyr A. Davies a D. Jenkins ar gyflwr Llwybr troed Tyle, Manordeilo a soniwyd am y gwaith oedd angen ei wneud er mwyn ei gynnal a'i gadw i'r dyfodol. Bydd angen glanhau a chrafu wyneb y llwybr ac mae un dyfyn bris o £480 wedi'i dderbyn. Er mwyn gwneud y gwaith hwn, bydd angen cael mynediad i beiriant trwy gae cyfagos ac nid yw hyn yn debygol o ddigwydd tan ddiwedd mis Mai. Clerc i'w gynnwys yn eitem agenda yng nghyfarfod mis Chwefror. Clerc

## 8. CYNLLUNIO

Ni dderbyniwyd unrhyw Geisiadau Cynllunio.

## 9. CYFRIFON I'W TALU

Cytunwyd i dalu'r canlynol:

- i) Mrs J. Davies, Cyflog y Clerc Tachwedd 2015, Siec Rhif 1150 £375.00
- ii) Apêl Pabi Coch y Lleng Brydeinig Frenhinol, cost y dorch a rhodd, Siec Rhif 1151 £50.00
- iii) H.L. a A.W. Gwynne, rent 6 mis Ardal Chwarae Caledfwlch, Siec Rhif 100097 £50.00

**CYFANSWM**

**£425.00**

## 12. UNRHYW FATER ARALL

- i) Adroddwyd am y ffordd rhwng Salem a Phenybanc, a bod nifer o ganghennau rhydd yn pwyso dros y ffordd a hefyd ar y cloddiau; Clerc i anfon hyn at sylw Adran Briffyrdd C.S.C. Clerc

Gan nad oedd unrhyw fusnes arall, diolchodd y Cadeirydd i bawb am ddod a daeth y cyfarfod i ben am 8.50pm.

.....9fed Rhagfyr 2015

CADEIRYDD